

摘藻堂四庫全書薈要

集部

欽定四庫全書薈要

御定歷代題畫詩類卷一百四目錄

獸類

題李伯時所畫開元御馬圖 元王惲

夢中又賦開元御馬圖 元王惲

申王畫馬圖 宋蘇軾

唐申王畫馬歌 元王惲

跋唐申王畫馬圖 元王惲

韋諷錄事宅觀曹將軍畫馬圖引

唐杜甫

丹青引贈曹將軍霸

唐杜甫

曹霸畫馬

宋郭祥正

題曹霸馬

元虞集

題曹將軍馬圖

元陳基

蘇君廳觀韓幹馬障歌

唐顧雲

書韓幹牧馬圖

宋蘇軾

次韻子由詩李伯時所藏韓幹馬

宋蘇軾

賦黃任道韓幹馬

宋王令

次韻子瞻和子由觀韓幹馬因論伯時畫天馬

宋

黃庭堅

讀蘇子瞻韓幹馬圖

宋張耒

再和馬圖

宋張耒

題韓幹馬圖

宋張耒

蕭朝散惠石本韓幹馬圖

宋張耒

題韓幹畫馬

宋韓駒

韓幹畫馬闕四足龍眠榻而全之  
宋劉子翬

臨韓幹馬  
金趙秉文

題韓幹畫馬圖  
元王惲

韓左軍馬圖卷  
元錢選

韓左軍馬圖卷  
元韓性

韓幹馬  
元虞集

韓幹馬  
元揭傒斯

題韓幹畫馬圖  
明僧宗衍

題壁上韋偃畫馬歌

唐杜甫

題韋偃馬

宋黃庭堅

題伯時馬

宋黃庭堅

題伯時天育驃騎圖

宋黃庭堅二首

觀伯時畫馬

宋黃庭堅

次韻黃魯直畫馬試院中作

宋蘇軾

和王晉卿題李伯時畫馬

宋蘇軾

題趙尊道龍眠渥洼圖

宋樓鑰

戲題龍眠馬性圖

宋樓鑰

題李伯時畫馬

宋王庭珪

龍眠畫馬

金元德明

劉善長出示李伯時畫馬圖

金朱弁

李伯時馬

元程鉅夫

李伯時馬

元劉因

題伯時馬

元吳澄二首

龍眠畫馬

元馬祖常

欽定四庫全書薈要卷一萬九千二百十二

集部

御定歷代題畫詩類卷一百四

獸類

題李伯時所畫開元御馬圖

元王暉

閱武驪山是近游  
霜蹄蹴踏厭長楸  
料應扈從東封了  
一片雲烟赤岸秋

夢中又賦開元御馬圖

元王暉

毛龍天降馭龍韜  
歷塊過都乃爾曹  
安得錦韉三萬騎



冷浮秋水下江皋

申王畫馬圖

宋蘇軾

天寶諸王愛名馬千金爭致華軒下當時不獨玉花驄  
飛電流雲絕瀟灑兩坊岐薛寧與申馮凌內廐多清新  
肉髮汗血盡龍種紫袍玉帶真天人驪山射獵包原隰  
御前急詔穿圍入揚鞭一蹙破霜蹄萬騎如風不能及  
鴈飛兔走驚弦開翠華按轡從天回五家錦繡徧山谷  
百里烏珥遺纖埃青螺蜀棧西超忽高隼濃蛾散荊棘

苜蓿連天鳥自飛五陵佳氣春蕭瑟

唐申王畫馬歌

元王惲

花萼樓前閱庭實布乘黃朱笑羣辟奔虹凝露故家物  
詔寫真形出東壁申王天矯龍一種揮灑元精固無匹  
龍池十日霹靂聲房駟無光韋偃泣千年事往失所在  
此紙流傳見真跡明窗不厭百回看飛電流雲悵猶濕  
當時圖畫樂昇平轉首雲屯散榛棘儲皇纔藉河隴餘  
旋復廓清唐再開物盛而衰固有時校以倉皇易為力

漢家拓地封狼北萬騎騰凌已無敵更求駿骨張吾軍  
一紙風飛能事畢雖云中夏號雄強富不民藏孰共億  
聖謨經世了不刊收卷入囊三歎息

跋唐申王畫馬圖

元王惲

內府曾觀鐵筆驄又於此紙得真龍却疑決電奔虹異  
不到少陵題品中

韋諷錄事宅觀曹將軍畫馬圖

唐杜甫

國初以來畫鞍馬神妙獨數江都王將軍得名三十載

人間又見真乘黃，曾貌先帝照夜白。龍池十日飛霹靂，  
內府殷紅瑪瑙盤。婕妤傳詔才人索，盤賜將軍拜舞歸。  
輕紈細綺相追飛，貴戚權門得筆跡。始覺屏幃生光輝，  
昔日太宗拳毛騶。近時郭家獅子花，今之新圖有二馬。  
復令識者久歎嗟，此皆騎戰一敵萬。縞素漠漠開風沙，  
其餘七匹亦殊絕。迴若寒空動烟雪，霜蹄蹴踏長楸間。  
馬官廝養森成列，可憐九馬爭神駿。顧視清高氣深穩，  
借問苦心愛者誰。後有韋諷前支遁，憶昔巡幸新豐宮。

翠華拂天來向東騰驤磊落三萬匹皆與此圖筋骨同  
自從獻寶朝河宗無復射蛟江水中君不見金粟堆前  
松栢裏龍媒去盡鳥呼風

丹青引贈曹將軍霸

唐杜甫

將軍魏武之子孫於今為庶為青門英雄割據雖已矣  
文彩風流今尚存學書初學衛夫人但恨無過王右軍  
丹青不知老將至富貴於我如浮雲開元之中常引見  
承恩數上南薰殿凌烟功臣少顏色將軍下筆開生面

良相頭上進賢冠猛將腰間大羽箭褒公鄂公毛髮動  
英姿颯爽來酣戰先帝天馬玉花驄畫工如山貌不同  
是日牽來赤墀下迴立閭闔生長風詔謂將軍拂絹素  
意匠慘淡經營中斯須九重真龍出一洗萬古凡馬空  
玉花却在御榻上榻上庭前屹相向至尊含笑催賜金  
圉人太僕皆惆悵弟子韓幹早入室亦能畫馬窮殊相  
幹惟畫肉不畫骨忍使驂馱氣凋喪將軍畫盡善盖有神  
必逢佳士亦寫真即今漂泊干戈際屢貌尋常行路人

途窮反遭俗眼白世上未有如公貧但看古來盛名下  
終日坎壈纏其身

曹霸畫馬

王荊公手寫杜甫  
丹青引跋其後

宋 郭祥正

曹將軍畫少陵詩林氏家藏相國題不動精神瞻御座  
風雲萬里入霜蹄

題曹霸馬

元 虞 集

將軍今為庶畫馬寄高情聚立天風起長嘶沙草生飛  
揚萬里意凌亂五星精日暮太行道悲哉長短行

題曹將軍馬圖

元陳基

神駒生長渥洼中一匹能令冀北空  
貌得真龍九重上將軍筆法老逾工

蘇君廳觀韓幹馬障歌

唐顧雲

杜甫歌詩吟不足可憐曹霸丹青曲  
直言弟子韓幹馬畫馬無骨但有肉  
今日披圖見筆跡始知甫也真凡目  
秦王學士居武功六印名家聲價雄  
乃孫屈跡寧百里好奇學古有祖風  
竹廳斜日奕碁散延我直入書齋中



屹然六幅古屏上，歛見胡人牽入天廐之神龍。  
麟鬐鳳臆真相似，秋竹慘慘披兩耳。  
輕勻杏蕊糝皮毛，細撚銀絲插鬢尾。  
思量動步應千里，誰見初離渥洼水。  
眼前只欠燕雪飛蹄下，如聞朔風起朱崖。  
謫掾從亡歿，更有何人鑒竒物。  
當時若遇燕昭王，肯把千金買枯骨。

書韓幹牧馬圖

宋蘇軾

南山之下汧渭之間，想見開元天寶年。  
八坊分屯隘秦川，四十萬匹如雲烟。  
駉駉騊駼騊駼，白魚赤兔騂皇。

駟龍顧鳳頸獐且妍竒姿逸德隱驚頑碧眼胡兒手足  
鮮歲時剪刷供帝閑柘袍臨池侍三千紅粧照日光流  
淵樓下玉螭吐清寒往來蹴蹋生飛湍衆工舐筆和朱  
鉛先生曹霸弟子韓廐馬多肉尻臞圓肉中畫骨誇尤  
難金羈玉勒繡羅鞍鞭箠刻烙傷天全不如此圖近自  
然平沙細草荒芊緜驚鴻脫兔爭後先王良挾策飛上  
天何必俛首服短轅

次韻子由詩李伯時所藏韓幹馬

宋

蘇軾

潭潭古屋雲幕垂省中文書如亂絲忽見伯時畫天馬  
朔風胡沙生落錐天馬西來從西極勢與落日爭紛馳  
龍膺豹股頭八尺奮迅不受人間羈元狩虎脊聊可友  
開元玉花何足奇伯時有道真吏隱飲啄不羨山梁雌  
丹青弄筆聊爾耳意在萬里誰知之幹惟畫肉不畫骨  
而況失實空餘皮煩君巧說腹中事妙語欲遣黃泉知  
君不見韓生自言無所學廐馬萬匹皆吾師

賦黃任道韓幹馬

宋王令

天寶天子盛天廐吐蕃入馬上天壽紫衣馭吏偏坐前  
騎入都門不容驟西極苜蓿得氣肥六閑飛黃卧羞瘦  
千秋殿下誰把筆當時人無出幹右傳聞三馬同日死  
死魄到紙氣方就鐵勒夾口重兩銜墨絲非尾合雙紐  
天門未上人就觀老胡驚嗟失開口生搜朔野空毛羣  
死斷世工無後手當時天子惜不傳送入御府置官守  
胡塵勃鬱燕薊來宮闕蕭騷既焚後誰棄千金赤手收  
足踏萬里避奪走幾經蹂棄道邊塵今日寧無紙上垢

樽前病客不識畫但驚馬氣世未有西北駿骨無時無  
生不逢幹死空朽世手無能不肯休任使氣骨陋如狗  
次韻子瞻和子由觀韓幹馬因論伯時畫天馬

宋  
黃庭堅

于闐花驄龍八尺看雲不受絡頭絲西河驄作葡萄錦  
雙瞳夾鏡耳卓錫長楸落日試天步知有四極無由馳  
電行山立氣深穩可耐珠韉白玉羈李侯一顧歎絕足  
領略古法生新奇一日真龍入圖畫在垺羣雄望風雌

曹霸弟子沙苑丞喜作肥馬人笑之李侯論幹獨不爾  
妙盡骨相遺毛皮翰林評畫乃如此賤肥貴瘦渠未知  
况我平生賞神駿僧中云是道林師

讀蘇子瞻韓幹馬圖

宋張耒

我雖不見韓幹馬一讀公詩如見者韓生畫馬常苦肥  
肉中藏骨以為奇開元有臣善司牧四十萬匹屯山谷  
養之罕用食之豐力不曾施空長肉韓生圖像無乃似  
我謂韓生巧未至君不見昔時騏驥人未得飢守鹽車

惟有骨昂藏不受塵土侵伯樂未來空佇立驥驥乏食  
肉常臞韓生不寫瘦馬駒誰能為驥傳之圖不如凡馬  
飽青芻

再和馬圖

宋張耒

我年十五游關西當時惟揀惡馬騎華州城西浴鐵馬  
勇士十人不可羈牽來當庭立不定兩足人立迎風嘶  
我心壯此寧復畏撫鞍躡鞚乘以馳長衢大呼人四走  
腰穩如植身如飛橋邊爭道挽不止側身逼墮濠中泥

懸空十丈才一擲我手失轡猶攢蹄迴頭一躍已在岸  
但見滿道人嗟咨關中地平草木短盡日散漫游忘歸  
驅馳寧復受鞭策進止自與人心齊爾來十年我南走  
此馬嗟嗟入誰手楚鄉水國地卑汙人盡乘船馬如狗  
我身未老心已衰夢寐時時猶見之想圖思畫忽有感  
况復慷慨吟公詩達人遇境貴不惑世有尤物常難得  
寧能使我即無情搔首長歌還歎息

題韓幹馬圖

宋張耒



頭如翔鸞月頰光背如安輿鳬臆方心知不載田舍郎  
猶帶開元天子紅袍香韓幹寫時國無事綠樹陰低春  
晝長兩髯執轡儼在傍如瞻馳道黃屋張北風揚塵燕  
賊狂廐中萬馬歸范陽天子乘騾蜀山路滿川苜蓿為  
誰芳

蕭朝散惠石本韓幹馬圖

馬亡後足

宋張耒

世人怪韓生畫馬身苦肥幹寧忍不畫驥骨當時廐馬  
君未知開元太平國無事戰馬卷甲飽不騎玉關橐駝

通萬里長安第宅連諸姨笙歌錦繡遍一國六龍長閑  
空食粟霜甜秋草沙苑遊日暖春波渭川浴雕圓腰穩  
目生光細尾豐膺毛帖肉珠鞍玉韉驕不行豈有塵埃  
侵四足韓生丹青寫天廐磊落萬龍無一瘦豈知車下  
骨如墻飢齧草根刺傷口君家古圖才半身千里騰驤  
已有神迴身側顧不無意剪駿絡頭嗟失真君不見太  
宗戰馬拳腹毛身騎此馬縛羣豪龍虎精神金鼓氣豈  
有閑地供脂膏至今畫圖快胸臆想見蚪鬚親破賊那

知但愛廐中肥  
漁陽筋脚蹄如石  
神駒入水隨烟雲  
蜀山石路無行人  
六驥悲鳴足流血  
騎驪遺事一酸辛

題韓幹畫馬

宋韓駒

古畫仍藏古錦囊  
故人攜得自瞿塘  
焚僮作馬應羞見  
羌戶方調兩驪驕

韓幹畫馬闕四足龍眠榻而全之

宋劉子翬

吾聞兩臂天下重  
馬失四蹄將底用  
平生想像萬里逝  
對此惟心惻然動  
得非曾落駑駘羣  
踉脫泥塗良已勤

又疑逸氣厭拘係絕蹠徑欲超浮雲諦觀事乃不爾劇  
破練丹青老無色軒昂自有尊足存顧盼一抹陰山碧  
韓生筆法妙此圖龍眠榻出了不殊斷鼇自昔徒聞說  
續鳧雖工計已疎何如染作滄江遠明滅要看追風蹴  
微雪

臨韓幹馬

金趙秉文

秋日平原看肉飛千金市骨眼中稀世間賴有丹青手  
韓幹丹青又已非

題韓幹畫馬圖

元王惲

火輪凝空汗如洗老坐烏臺簿書裏韓君忽出天馬圖  
蕭颺朔風生駿尾吁嗟此馬來西極細看一骨千金直  
當時開元監牧盛赤岸千羣雲錦織奚官袍帶蒼髯戟  
碧眼深藏九方識豈其此骨獨當御轉盼君恩仗前立  
幾年扈從東封還霜蹄蹴踏長楸間驪山武事厭不講  
剪刷日應供帝閑鸞旗百里臨潼道華清宮殿春風早  
黃金羈勒玉花駿遊幸君為玉環老幹時供奉屬車塵

思入星精奪天巧興來承詔貌真龍冀北驂歸一掃  
古人畫馬需神品骨相權奇氣深穩將軍曹霸幹所師  
萬古丹青少陵引韓公得法固入空千丈光輝誰所準  
自經題品雪堂仙韋偃龍眠徒滾滾嗟予何者牛馬走  
開卷賦詩還自哂韓卿朝騎御史驄暮擊凡禽健秋隼  
更煩牢鎖玉麒麟隄備雷風轟秋岑

韓左軍馬圖卷

元錢選

韓公胸次有神奇寫得天閑八尺駒曾為岐王天上賜

不隨都護雪中驅霜蹄奮迅追飛電鳳首昂藏似渴鳥  
春草青青華山曲三邊今日已無虞

韓左軍馬圖卷

元韓性

五花雲散紫電光繫維未許飛龍驤垂頭欲就圉人飲  
渴烏作勢吞銀潢長安畫史擅筆力萬里猛氣收毫芒  
羽人乘風倦鞍勒一笑收拾藏巾箱世人不識真驕驪  
顧影尚爾分驪黃放鶴峰前有遺意神駿政可誇支郎

韓幹馬

元虞集

開元沙苑蒺藜秋韓幹新圖總不收天廐真龍奇骨在  
故知臣甫負驂騑

韓幹馬

元揭傒斯

韓幹畫出曹將軍幹惟畫肉猶逼真昂藏四顧欲飛去  
老奚安知馬有神想當此馬未畫時朝刷吳越暮燕秦  
頤轡長鳴風動地不數驂騑與騏驎當時用舍那知許  
粉墨蕭條尚雄武千金駿骨何足論萬世長留羣玉府

題韓幹畫馬圖

明僧宗行



唐朝畫馬誰第一韓幹妙出曹將軍此圖無乃幹所作  
世上有若真空羣雙瞳精爽兩耳立蘭筋束骨皮肉急  
何年霹靂起龍池五花一團雲氣濕當年天子少馬騎  
遠來烏孫詔寫之即今內廐多如蟻縱有騏驎畫者誰  
題壁上韋偃畫馬歌

唐杜甫

韋侯別我有所適知我憐君畫無敵戲拈秃筆掃驂駟  
歛見騏驎出東壁一匹齟草一匹嘶坐看千里當霜蹄  
時危安得真致此與人同生亦同死

題韋偃馬

宋 黃庭堅

韋侯常喜作羣馬杜陵詩中如見畫忽開短卷六馬圖  
想見詩老醉騎驢龍眠作馬晚更妙至今似覺韋偃少  
一洗萬古凡馬空句法如此今誰工

題伯時馬

宋 黃庭堅

我觀李侯作胡馬置我敕勒陰山下驚沙隨馬欲暗天  
千里絕足略眼跨

一作過

自當初駕沙苑丞豈復更數將

軍霸李侯今病廢右臂此圖筆妙今無價

題伯時天育驃騎圖 二首

宋 黃庭堅

玉花照夜今無種，  
樾上追風亦不傳。  
想見真龍如此筆，  
蒺藜沙苑草迷川。

明窗盤礴萬物表，  
寫出人間真乘黃。  
邂逅今身猶姓李，  
可非前世江都王。

觀伯時畫馬

宋 黃庭堅

儀鸞供帳饗羣行，  
翰林濕薪爆竹聲。  
風簾官燭淚縱橫，  
木穿石槃未渠透。  
坐窗不遨令人瘦，  
貧馬百竇逢一豆。

眼明見此五花驄  
徑思著鞭隨詩翁  
城西野桃尋小紅

次韻黃魯直畫馬

試院中作

宋蘇軾

少年鞍馬勤遠行  
臥聞斂草風雨聲  
見此忽思短策橫  
十年髀肉磨欲透  
那更陪君作詩瘦  
不如芋魁歸飯豆  
門前欲嘶御史驄  
詔恩三日休老翁  
羨君懷中雙橘紅  
和王晉卿題李伯時畫馬

宋蘇軾

督郵有良馬不為君所奇  
顧收紙上影駿骨何由歸  
一朝見縈策蟻封驚肉飛  
豈惟馬不遇人已半生癡

題趙尊道龍眠渥洼圖

有序

永樓 鑰

趙尊道制幹以龍眠渥洼圖示余余曰誤矣本韓幹馬東坡外為賦詩考此龍眠所臨而以後為前俾易之為寫坡詩於後而次其韻馬實十六坡集詩云十四匹豈誤耶

良馬六十有四蹄騰驤進止紛不齊權奇倜儻多不羈亦有顧影成驕嘶或行或涉更相顧交頸相靡若相語畫出老杜沙苑行將軍弟子早有聲中間名種雞羣鶴

無復瘦瘡烏暮啄當時玉花可媒龍後日去盡烏呼風  
開元四十萬匹馬俯仰興亡空見畫龍眠妙手欲希韓  
莫遣鐵面關西看

戲題龍眠馬性圖

宋樓鑰

狗子已知無物性馬又何曾有性來伯樂若來休著眼  
任他騏驎混駑駘

題李伯時畫馬

宋王庭珪

秃筆戲掃凡馬空人間始識天廐龍山城逼窄那得有

注目萬里生長風奚官緩牽紫絲鞵好頭不著黃金籠  
時平諸蕃盡入貢此是玉花于闐驄

龍眠畫馬

金  
元德明

驪黃求馬世皆然滅沒存亡自一天當日鹽車人不識  
只今空向畫中傳

劉善長出示李伯時畫馬圖

金  
朱弁

俯首舉尾拳一蹄掣韁欲嗅驕不嘶奚官聳肩兩足垂  
意貌自與造父齊雞目麟鬐鳳凰臆玉山禾遠未容食

簡雲追電有餘地置之畫圖人豈識精神權奇孰可班  
當在白兔青龍間君知此馬從何來龍眠胃中十二閑

李伯時馬

元  
程鉅夫

龍眠畫馬真是馬一匹猶當萬金價參差粉墨見龍媒  
渴飲長江柳陰下我今老病無所求但願早賜歸林丘  
肩輿飽飯百不憂閑看稚子騎犂牛

李伯時馬

元  
劉因

足不能行氣自馳天機深處幾人知世間無物能形此



除我南窗兀坐時

題伯時馬 二首

元吳澄

四足追風捷羽翰有誰伯樂是奚官如今萬里青雲步  
漫作人間畫卷看

駉壯雲連力氣粗慣看馳突暗中都如何得此真龍種  
消得千金買畫圖

龍眠畫馬

元馬祖常

海國秋生漢使槎麝煤誰畫濯龍駒只今聖主如文帝

留待時巡駕鼓車



御定歷代題畫詩類卷一百四



總校官庶吉士臣侍朝

校對官庶吉士臣徐如澍

謄錄監生臣魏鎔

欽定四庫全書會要

集部

御定歷代題畫詩類卷二百


五六

詳校官原任主事 臣 李斯咏

欽定四庫全書薈要

御定歷代題畫詩類卷一百五目錄

獸類

  
跋徽宗畫馬圖

元王惲

徽宗臨張萱宮騎圖

元王惲二首

宣和畫馬

元程鉅夫

宣和御馬圖

明王禕

徽宗馬圖

明王世貞

題顯宗承華殿墨戲 元王惲

承華殿墨戲圖 元王惲二首

題楊秘監畫馬 金趙秉文

楊秘監馬圖 元元好問

題子昂馬圖 元鄧文原

天曆改元十月題子昂馬 元虞集

子昂畫馬 元虞集

子昂人馬圖 元袁桷

題趙文敏公畫馬 元張翥

題趙子昂畫馬歌 元陳泰

趙松雪畫馬 元鄭元祐

松雪馬圖 元倪瓚

趙榮祿馬圖 元倪瓚

正月八日宿禪悅僧舍題趙榮祿馬圖 元倪瓚

琦元璞所藏趙子昂馬圖 明周致堯

松雪翁畫馬 明李延興



趙松雪畫馬

明劉溥

子昂畫馬卷

明李東陽

趙魏公畫馬

明劉師邵

子昂馬圖

明嚴嵩

題趙松雪畫馬

明沈周

題松雪畫馬

明無名氏

題趙松雪馬圖

明僧來復

仲穆臨李龍眠唐馬

元鄭元祐

題仲穆畫唐馬

元于立

題趙仲穆畫馬

明貝瓊

題趙仲穆彥徵畫馬

明錢宰

題趙仲穆畫馬

明俞貞木

題趙仲穆彥徵畫馬

明錢用壬

題王侍御敬止所藏仲穆馬圖

明文徵明

舜舉馬

元牟巖

題舜舉馬

元吳澄

舜舉畫馬歌

元范梈

題錢舜舉馬圖

明劉基

任月山畫馬

元華幼武

題任月山畫馬

元錢惟善

題李早畫馬

元黃潛

李早馬圖

元鄭元祐

題陳閔畫唐人馬圖

元于立

金太子允恭唐人馬

元劉因

姚子昂畫馬

元李俊民

題宋成之畫馬卷

元曹伯啓

題鄧蓀壁所藏龔處士畫馬卷

元馬臻

同吳正傳詠龔巖叟小兒騎馬圖

元吳萊

題鶴亭所藏馬圖

元張雨

恭題宣廟御筆畫馬

明張鳳翼

宣宗皇帝畫馬圖

明祝允明

題張方伯畫馬

明陳煒

同年吳克明知嘉定爲題馬圖

明吳寬

題朱給事所藏馬圖

明楊士奇

爲大理寺丞馬麟題畫馬

明金幼孜二首

欽定四庫全書薈要卷一萬九千二百十三

集部

御定歷代題畫詩類卷一百五

獸類

跋徽宗畫馬圖

元王惲

爲愛瑤池噴玉龍  
麝煙移入畫圖中  
宣和殿上揚休處  
忘却熙河汗馬功

徽宗臨張萱宮騎圖

二首

元王惲

缺袴頽衫玉帶圍  
駿華翻影下瑤池  
老徽筆底無留思

貌盡春風出閣儀

碧暈紅綢思有餘  
較來經國太工夫  
大風歌裏雲飛遠  
不畏高皇笑殺渠

宣和畫馬

元程鉅夫

夜半房星下九關  
渥洼龍種入天閑  
宣和得此渾無用  
神駿爭雄粉墨間

宣和御馬圖

明王禕

睿思東閣倚闌干  
貌得龍駒帶笑看  
回首天閑成寂寞

青城塵土晝漫漫

徽宗馬圖

明  
王世貞

天閑萬馬盡權奇  
寫出丹青意自悲  
長白山頭三萬匹  
可令龍種一雄嘶

題顯宗承華殿墨戲

元  
王惲

大青小青兩龍種  
承華墨戲真天人  
春宮欲見昇平事  
立仗歸來不動塵

承華殿墨戲圖

二首

元  
王惲



天殿雲屯八尺龍總輸神駿付青宮細看絕電流雲筆  
天寶諸王恐未工

主人愛馬憐神駿一骨千金什襲藏却恐雷霆還下取  
九重天上看龍驤

題楊祕監畫馬

金  
趙秉文

楊侯詩人寓於畫後身韓幹前身霸驂騮萬匹落人間  
一紙千金不當價曾見先帝麝香驄紙上飛出天池龍  
至今畫史比良樂一洗萬古凡馬空時於畫骨歎奇跡

二百年來無此筆艱難常恨少神駒掩圖獨抱龍媒泣

楊祕監馬圖

元  
元好問

天閑誰省識真龍金粟堆前草色空忽見畫圖疑是夢  
東華馳道麝香驄

題子昂馬圖

元  
鄧文原

奔騰駿骨雲路長瀟灑神髮風露涼沙場春牧草肥雨  
野微秋嘶楓隕霜三關戰士黃金甲五陵俠客紅絲韁  
朝羈暮絡祗腸斷華山煙樹遙蒼蒼

天曆改元十月題子昂馬

元虞集

朝廷無事日從容太僕承恩出九重前代王孫今閣老  
只畫天閑八尺龍

子昂畫馬

元虞集

憶昔從公侍書殿天閑過目如飛電池邊儘有吮毫人  
神駿誰能誇獨擅公今騎鯨隘九州人間空復看驂騑  
惟應御氣可相逐黃竹雪深千萬秋

子昂人馬圖

元袁桷

飄騰天山霧盪摩玉京雲耿耿萬里姿矯首空其羣乃  
翁愛神駿泚筆五采分翁歸侍帝所乘化觀芸芸彼亦  
與之俱追風超九垓

題趙文敏公畫馬

元張翥

君不見漢家將軍求善馬戰骨縱橫血流野歸來作歌  
薦宗廟寧悲鬼哭宛城下何如聖代德所懷入獻磊落  
皆龍媒右牽者誰鬣且偲萬里知自宛沙來眼光鏡懸  
蹄蹀促老奚識性仍善牧時巡之外游幸稀飽秣原頭

春首當吳興學士藝絕倫妙處直似曹將軍只今有馬  
無此筆誰與寫之傳世人爲君甘老駑駘羣

題趙子昂畫馬歌

元 陳泰

九原駿骨埋地中一夕盡化霜皮松畫史刻松作神墨  
埽出麒麟帶松骨煙沙漠漠披風鬚精氣炯炯房星同  
天山無人草木白西極日沒黃河東時平使汝困轅軛  
不得變化騰爲龍黃金擲送燕臺下當日君王惜高價  
自從汗血去人間老死英雄空見畫千年祇說曹將軍

弟子韓幹終無聞今之畫者趙翰林嗚呼三晉賢子孫  
趙松雪畫馬

元  
鄭元祐

地用莫如馬壺頭竟何施寒風善相不假式胡必郭家  
口齒謝家髻神駒龍變如何按式取譬之圖畫八駿令  
人嗤君不見房星精飛光夜流曳練明漢家都廩盡凡  
骨糞之北土龍方生兒能引弓射鳥鼠便解騎過宛王  
城玉堂學士親眼見貌得風蹄燿流電山人半世只步  
行髀肉何曾識鞍韉每每作詩題馬圖千金駿骨世所

無人間空費粉墨摹玄黃牝牡真成誣

松雪馬圖

爲原道題

元倪瓚

渥洼龍種思翩翩來自元貞大德年今日鷗波遺墨在  
展圖題咏一悽然

趙榮祿馬圖

元倪瓚

嘗聞唐開元時畫馬曹將軍妙合變化神紛紜少陵爲  
作歌其詞藹如雲又聞宋元祐之中李龍眠畫法奄出  
將軍前蘇黃二子誇神駿險語驚飛蛟蟄困國朝天馬

來西極振鬣駕駘爲辟易玉堂學士寫真龍筆陣長驅  
萬人敵學士歌詩清且腴當時作者數楊虞畫成題咏  
兩奇絕價比連城明月珠吁嗟天馬天一隅寶繪於今  
亡矣夫學士多師內廐馬得法豈在曹李下俗工未解  
知神妙此日罷駕遍區夏好事流傳亦苦心誰爲幽賞  
伯牙琴獨悲蘭亭繭紙隨零雨轉覺臨寫紛紛費毫楮  
正月八日宿禪悅僧舍題趙榮祿馬圖

元倪瓚



小僧院裏無塵事夜雨燈前興不孤  
寥寥說竟無生話  
更覽王孫駿馬圖

琦元璞所藏趙子昂馬圖

明周致堯

進御歸來日未西  
落花芳草滿春泥也知櫪上無凡馬  
牽過天閑不肯嘶

松雪翁畫馬

明李延興

西海之西天地翁  
合敷靈氛天產天骨超崑崙  
月窟而東而北幾萬里  
是馬乃能躡星辰踰渤澥  
埽空冀北凡

馬羣曹將軍是開元以來善畫者蚤以絕藝動紫宸不  
問驪黃與牝牡筆力到處春無垠往時常見一二本世  
之畫者徒紛紛吳興學士昔在詞林館畫人畫馬咄咄  
能逼真玉堂朝日射碧瓦瑣窗晴雪吹青春文章之暇  
奉詔寫龍種冰綃萬幅清無塵此圖神采更飄逸妙處  
不減曹將軍飛雲滿空散靈雨五花凌亂曉濕蒼龍文  
人言此是明皇御愛者天香滃鬱飄滿身瑤池渴飲雪  
泥養霜蹄迴踏雲嶙峋黃鬚園官似是太僕張景順自

幼調馬馬亦馴想當牽來赤墀下皎如飛龍下天門山  
齋看畫白晝靜丹粉如沐清心魂龍媒一逝九霄隔龍  
沙泱泱霜風昏縱令有馬無善畫誰與寫之傳世人吳  
興自是古作者高風遠韻不可聞九京安得起公死請  
公爲我放筆電掃層空雲陳君愛畫不翅南金與西玉  
百迴展翫當爐熏南金西玉可力致嗟此神物實然獨  
立而無鄰嗚呼神物爲物固有神直恐變化爲龍飛上  
清都紫微之帝閭

趙松雪畫馬

明  
劉溥

王孫畫馬世無敵一畫一迴飛霹靂千里長風入彩毫  
平沙碧草春無跡硯池想是通渥洼突然走出白鼻騮  
翻濤浴浪動光彩雲影滿身堆玉花玉花連錢汗流血  
駿尾捎風蹄踣鐵何時騎得似畫中踏破陰山古時雪

子昂畫馬卷

明  
李東陽

翰林學士真天人平生書畫皆通神自言少小嗜毫素  
寸紙遍作雲煙痕老來意態盡物理畫馬欲過曹將軍

此圖似出西域種骨法權奇氣軒聳將身蹴地跼不前  
矯首見人驚欲踊燕家死馬猶堪買況此風神解飛動  
在野須教一顧空登臺未覺千金重崔郎愛畫復好奇  
向來得此信且疑爲渠指點是真跡老我聰明非昔時  
圖窮忽見銀鈎筆復訝驪珠海中出江南贗本今已多  
入眼自須分甲乙世人得者惟見一至寶逢時故難匹  
從此高堂展翫頻明窗淨几無長日

趙魏公畫馬

明  
銛師邵

浚儀王孫善畫馬神妙不在江都下朝退從容白玉堂  
意匠經營自揮灑我觀此圖誠偉哉清光夾鏡雙瞳開  
古來騏驎不易得此匹乃是真龍媒尾如流星汗成血  
萬里飛騰真電掣長風颯颯生四蹄百尺層冰蹴應裂  
雄姿眼底苦不多時無伯樂奈爾何駑駘伏櫪飽芻豆  
坐使神物成蹉跎君不見才高往往困泥滓世上英雄  
亦如此

子昂馬圖

題贈大梁  
李中丞

明  
嚴嵩

卷中此馬畫者誰毛鬣欲動骨法奇尺素能收上閑駿  
意態便欲隨風馳天閑十二紛相竄想是郊晴初出牧  
大宛雄姿宿應房渥洼異種龍爲族金羈玉勒不須誇  
且看連錢五色花歛見麒麟出東櫪還疑駮駟涉流沙  
沙邊青草茸茸起上有垂楊覆河水圍人騎放綠陰中  
參差駭牝成雲綺我觀此馬皆能過都歷塊捷有神安  
得蕃息日適河之濱榆關已撤烽煙警梁苑應同苜蓿  
春吳興妙手誰堪伍遺墨流傳自今古人間駕輩徒紛

紛哲匠旁求心獨苦擬將此幅比瓊瑤寄贈佳人雲路  
迢天闕昔曾窺立仗霜臺今復憶乘輶親持黃紙臨中  
土白日旌旗照開府臯夔事業待經邦韓范威名先震  
虜氛祲潛消塞北場河山坐鎮汴封疆戍卒歸來放戰  
馬嵩陽今作華山陽吁嗟乎宵旰憂勤猶拊髀殊勲早  
奏明光裏願徵頗牧入禁中坐令天下之馬休逸皆如  
此

題趙松雪畫馬

明沈周



隅目晶熒耳竹披江南流落垂黃安千金價重無人識  
笑看胡兒買去騎

題松雪畫馬

明  
闕名

塞馬肥時首宿枯奚官早已著貂狐可憐松雪當年筆  
不識檀溪寫的盧

題趙松雪馬圖

明  
僧來復

振鬣長鳴產月支玉關風急貢來時五花獅子真龍種  
賜出黃門不敢騎

仲穆臨李龍眠唐馬

元 鄭元祐

龍眠畫馬妙入神貌得唐時馬與人人通馬語默相契  
馬知人意更相親文皇昔御六龍出天爲聖主產騏驎  
開元馬牧蕃盛日芝駕齧膝誰能馴自昔龍駒有天骨  
驕驕獨起秋輪困西巡不復觴王母東歸政爾慙直臣  
馬圖流傳至汴宋王驄紫燕聊前陳守文之君保成業  
不肯一日開邊塵遂寘驂駟鼓車下猛蛟失水無完鱗  
柏臺退休親貌得畫意殆逼曹韓真畫史纔知粉墨趣

學士乃通元化因曹韓骨朽伯時死餘不溪上苔花春  
臨摹不得畫史意掩卷愁眉誰與伸

題仲穆畫唐馬

元于立

大宛千里馬朱汗翠連錢夜秣玉關下曉呈金殿前橫  
門花似雨韋曲柳如煙虢國爭馳道將軍避繡鞭

題趙仲穆畫馬

明貝瓊

吾聞冀北之馬如雲照川谷八尺飛龍在天育灤河遠  
幸翠華遲柳林大獵金鞍簇是時四海爲一家東踰日

本西流沙拂郎近獻兩驕驍不數郭家獅子花公子前  
身豈曹霸一馬真輕百金價黃金臺上倦爲客白髮江  
南隨意畫駢駒駟駟各不同飲泉斲草落筆工君不見  
龍庭苜蓿與天遠何人更收青海驄

題趙仲穆彥徵畫馬

明  
錢 宰

驄馬連錢新鑿蹄絡頭羈馬任官奚來從月窟真無價  
進入天閑不敢嘶雨露九重思冀北風塵千里下淮西  
解鞍知在休兵後楊柳平河春草齊

題趙仲穆畫馬

明 俞貞木

房星夜墮墨池中飛出蒲梢八尺龍想像開元張太僕  
朝回騎過午門東

題趙仲穆彥徵畫馬

明 錢用壬

吳興畫馬名天下文采風流美無價子孫兩世皆絕奇  
筆意經營亦相亞分明雙馬如雙龍玉花對立連錢驄  
圉人緩轡不敢鞚矯矯似欲鳴長風却想當年落筆時  
省郎得采初來歸深庭花落白晝靜紅門草綠春風微

回首光陰既非昔老者已逝難再得中原武騎更馳奔  
展卷令人三歎息

題王侍御敬止所藏仲穆馬圖

明文徵明

犖犖才情與世疎等閑零落傍江湖不應泛駕終難用  
閑看王孫駿馬圖

舜舉馬

元牟獻

常得奚官翦拂齊也思驤首一長嘶好隨便面草臺去  
柳色如煙路不泥



題錢舜舉馬圖

明  
劉基

吳興公子雅好奇欲把丹青競天巧  
花蜂柳鶯看已足貌得驊騮圖更好  
浪花滿身蹄削躔兩耳抽出春筍尖  
風髮欲拂九霄霧隅目似掛高秋蟾  
昨者王良失韉鞿封狼咆哮蛇豕闕  
天閑乘黃越在野出車未見歌南仲  
嗚呼安得此馬背負郭令公埽清四  
海歸奏明光宮

任月山畫馬

元  
華幼武

天馬從龍去空遺粉墨看披雲五花  
白蹴雪四蹄寒逸



氣何深穩良材有急難苦心任水監直欲比曹韓

題任月山畫馬

元 錢惟善

神駿蕭蕭白黑文  
圉人調習未能馴  
五陵年少黃金絡  
騎向長安不動塵

題李早畫馬

元 黃潛

平沙如雪草如煙  
想見春風士馬閑  
玉勒錦韉塵土化  
畫圖流落尚人間

李早馬圖

元 鄭元祐

外甥似舅明昌帝取法宣和尚工伎李早畫馬供奉時  
畫院森森嚴品第冀之北土馬所生早也想見房星精  
遂令龍媒出毫素側胸注目疑嘶鳴紈扇畫三騎郎君  
峭按轡窄衫繡褱四帶巾靴尖曾踢中州碎紫絨軍敗  
祁連山金鈿玉軸仍南還好事空餘扇頭馬至今拂拭  
塵埃間

題陳閱畫唐人馬圖

元于立

大宛直在玉關西萬里風沙入駿蹄一自殿前隨仗立

垂頭不肯向人嘶

金太子允恭唐人馬

元劉因

道人神駿心所憐  
天人龍種畫亦然  
房星流光忽當眼  
徑欲攬轡秋風前  
漢家金粟幾蒼煙  
江都筆勢猶翩翩  
東丹獵騎自豪貴  
風氣惜有遼東偏  
天人秀發長白山  
畫圖省識開元年  
金源馬坊全盛日  
四十萬匹如秦川  
天教却火留此幅  
玉花浮動青連錢  
英靈無汗石馬復  
悲鳴真似泣金仙  
只今回首望甘泉  
汾水繁華鴈影邊

奇探竟隨轍迹盡兀坐宛在驂騑先人間若有穆天子  
我詩當作祈招篇

姚子昂畫馬

元 李俊民

雄姿卓立開天骨騰踏萬里如神速可憐不遇九方臯  
空使時人指爲鹿自從大奴守天育無由更騁追風足  
中原一戰收乾坤白髮將軍髀生肉

題宋成之畫馬卷

元 曹伯啓

奚官珍重玉花驄縱意清連碧草中幸際四庭烽火靜

不須騰踏待秋風

題鄧蓀壁所藏龔處士畫馬卷

元馬臻

金釘繩短駐霜蹄曾見先生手畫時精凝繭香回雪色  
氣隨神變發權奇華軒欲試丹青動絕筆無傳造化私  
今日有誰偏愛惜鄧公馬癖幾人知

同吳正傳詠龔巖叟小兒騎馬圖

元吳萊

北平援臂久不侯伏波矍鑠空持矛并州小兒十歲許

雙足捷走真驊騮金鞍玉勒絲轡絡肉鬣風髮雪斷齟  
郊衢一躍自矜驕血氣未完先躡蹠漢皇神武駕英雄  
西極飛來八尺龍城東鬪雞爾尚可磧外鳴劍吾無功  
初陽却照長楸道白髮奚官泣枯草悠悠翠蓋與鸞旗  
老矣驊騮那得知

題鶴亭所藏馬圖

元張雨

九霄天馬俱龍種四十萬蹄雲錦斑一自漁陽鼙鼓後  
不知幾箇到驪山

恭題宣廟御筆畫馬

明  
張鳳翼

宣皇勤政慕陶唐咨訪時時入未央天廡解鞍閑駿馬  
詞臣不必賦長楊

宣宗皇帝畫馬圖

明  
祝允明

昔日宣皇履至尊堯章渙渙滿乾坤三十在御均承寵  
一匹霑恩便不羣馬法盡來空地類龍圖呈處是天文  
丹青不逐烏號去從此房星似掩昏

題張方伯畫馬

明  
陳煒

長安陌上柳驛地十二閑閒散羣驥蘭筋鳳臆若游龍  
龍種生來盡神異良工寫意非寫形生綃半幅墜房精  
韋韓之妙不復作眼前畫者誰得名箇中憔悴老無力  
飼秣猶爲人愛惜其他騷褻與驂騑阜圉分明動鞭策  
傍觀一馬殊不然霜蹄騰踏嘶向前汗血須驂六龍馭  
安得奚奴浪著鞭

同年吳克明知嘉定爲題馬圖

明 吳寬

吳卿別我吳門去手把橫圖索題句開圖見馬如見人



逸氣稜稜八尺身  
圍人騎渡燕河水  
萬里長風生兩耳  
歸來飽啖玉山禾  
吳門草青奈爾何

題朱給事所藏馬圖

明楊士奇

矯矯皆雄姿  
來從渥洼涘  
金羈未絡頭  
散誕春風裏  
試令剪拂效驅馳  
君看一日輕千里

爲大理寺丞馬麟題畫馬

二首

明金幼孜

萬里曾思度玉門  
歸來立仗卸橐鞬  
飽肥苜蓿風霜晚  
未老猶思報主恩

異種由來產渥洼曾看入貢度流沙幾迴牽向瑤池過  
新濯龍文照五花

御定歷代題畫詩類卷一百五

欽定四庫全書薈要

御定歷代題畫詩類卷一百六目錄

獸類

韋偃牧馬圖

宋蘇軾

奚官牧馬圖

元元好問

子昂風林牧馬圖

元劉因

子昂摹韓幹牧馬圖

元吳師道

題趙子昂所畫牧馬圖

元貢奎

牧馬圖 明陳政

題伯時畫頓塵馬 宋黃庭堅

輓馬圖 金張澄

題袞塵騮圖 元虞集

輓馬圖 元王惲

袞馬圖 元楊維禎

題李龍眠畫袞塵馬 元張天英

題趙仲庸所畫滾塵馬 元唐肅

題張參政所藏驄馬滾塵圖 元朱德潤

衮塵馬圖 明高啓

衮塵馬圖 明陳昌

楊祕監下槽馬圖 金黃庭筠

曹將軍下槽馬圖 元揭傒斯

曹霸下槽馬 元虞集

題殿馬圖 元王惲

御驃出殿圖 元王惲

題曲江洗馬圖 元倪瓚

戲題出洗馬 元趙孟頫

奚官洗馬圖 元張雨

洗馬圖 元張伯淳

趙子昂浴馬圖 元劉因

李伯時畫浴馬圖 元楊載

題浴馬圖 元郝韶

揩癢馬圖 元鄭元祐

題趙仲穆揩癢馬圖 元朱德潤

題趙仲穆擦癢馬 元張天英

揩癢馬歌 明華幼武

題趙榮祿揩癢馬圖 明閔名

題曾無疑飛龍飲秣圖 宋戴復古

飲馬圖 元楊維禎

題飲馬圖 元傅若金

題唐叔美飲馬圖 明張鳳翼



舞馬圖 元張伯淳

題立仗馬圖 元柳貫

題趙翰林畫立仗馬 元張天英

子昂逸馬圖 元袁桷

逸馬圖 元袁桷

試馬圖 元袁桷

散馬圖 元袁桷

鞭馬圖 元袁桷

絡馬圖 元袁桷

題振轡馬 元丁立

題唐圉人調馬圖 元陳深

黃門飛鞚圖 元姚璉

奚官牽馬圖 明王穉

賦蔣甥若水番馬圖 宋樓鑰

李早番馬圖 元王惲

題番馬圖 明殷士儋

李潛宛馬圖 元王惲

金馬圖 元虞集

西馬圖 元張天英

胡馬圖 宋郭祥正

胡馬圖 明解縉

胡馬圖 明王弼

胡馬圖 明祝允明

瘠馬圖 元揭祐民

題瘦馬圖 元蒲道源

題壽監司所藏瘦馬圖 元薩都拉

題胡環瘦馬圖 元丁立

龔聖予畫瘦馬行 元馬臻

題張戡瘦馬圖 元姚文奐

題張戡畫瘦馬圖 元郭翼

題張戡瘦馬圖 元鄭東

題進士卜友曾瘦馬圖 明張以寧

題老馬圖 明僧妙聲

病馬圖 元劉因

病驥圖 明周忱

題人馬圖 元陳旅

金人馬圖 明高啓

題西戎獻馬圖 明吳寬

題進馬圖 明劉崧

陳居中進馬圖 明凌雲翰

欽定四庫全書薈要卷一萬九千二百十四

集部

御定歷代題畫詩類卷一百六

獸類

韋偃牧馬圖

宋  
蘇軾

神工妙技帝所收江都曹韓逝莫留人間畫馬唯韋侯  
當年爲誰埽驂騑至今霜蹄蹋長楸圉人困臥沙隴頭  
沙苑茫茫疾藜秋風髮霧鬣寒飈颭龍種尚與駑駘遊  
長稽短豆豈我羞八鑾六轡非馬謀古來西山與東丘

奚官牧馬圖

息軒畫

元  
元好問

曹韓畫樣出中祕燕市死骨空千金息軒筆底真龍出  
凡馬一空無古今安閑自與人意熟瀟灑更覺天機深  
奚官有知應解笑世無坡仙誰賞音

子昂風林牧馬圖

元  
劉因

駟馬不受人間齟春入川原草如髮老髯背面心已知  
眼底玄黃總凡骨相親柳下那作疎泯默此意今爲圖  
竹林之賢固奇士晚歲絕交真可吁

子昂摹韓幹牧馬圖

元 吳師道

開元內廐多名馬畫手無雙數曹霸弟子韓幹筆意新  
承恩亦向天墀畫含毫拂練五雲動旋關轉軸羣龍化  
圉人臨閑振金索御鞍初卸收黃帕豐草聯槽畫不嘶  
飛花卷仗春停駕西風回首征塵生蜀棧青螺愁獨跨  
趙公何從得此本步武曹韓相上下驪黃埽空四海眼  
丹青妙續十年話誰云此馬不復存看取匣中光照夜

題趙子昂所畫牧馬圖

元 貢奎



霧鬢雲髻出帝閑誰將圖畫落人間  
奚官飽牧無餘事  
獨立春風憶華山

牧馬圖

明陳政

草細泉香野色新  
五花驕氣散春雲  
昂頭似憶當年事  
立仗凌寒夜正分

題伯時畫頓塵馬

宋黃庭堅

竹頭搶地風不舉  
文書堆案睡自語  
忽看高馬頓風塵  
亦思歸家洗袍袴

輓馬圖

金張澄

飛斬棄城力亦優不應伏櫪便垂頭而今世上無良樂  
兀兀黃塵輓得休

題袞塵騮圖

元虞集

驂騮食粟石每既立仗歸來汗如洗脫羈展轉聊自恣  
落花塵土隨身起君不見春雷起蟄龍欠伸霧擁雲蒸  
九河水

輓馬圖

元王惲

馬蹄立論見天機四輓塵沙更適宜恰似解袍隨意處  
小齋盤礴退朝時

袞馬圖

元 楊維禎

唐家內廄三萬匹畫史縑緗都熟識綠蛇連卷骨初脫  
一團旋風花五色濕雲乍洗烏龍池金索掣斷愁欲飛  
奚官獨立柳陰下手把玉鞭將贈誰

題李龍眠畫袞塵馬

元 張天英

明皇最愛玉華驄袞袞芳塵繡嶺宮一曲落梅驚起舞

風摧龍翼戰場空

題趙仲庸所畫滾塵馬

元唐肅

匹馬滾塵誰所寫天水王孫最文雅王孫系宋不系唐  
那識唐人與唐馬左輔白沙白於雪四十萬頭名各別  
廐中此馬帝常騎一色紫霞名叱撥馬官似隸王毛仲  
左手執刷右持鞚沙平草暖不被鞍芻豆飽來筋力縱  
翻身倒豎蹄鐵蹄霧尾風鬣亂不齊元是滇池赤龍種  
猶思躍浪湧春泥太平無事征戰少青絲絡頭可終老

不似交河赴敵時  
夜蹴層冰僵欲倒

題張參政所藏驄馬滾塵圖

元  
朱德潤

盛唐太僕王毛仲八坊分隊三花動  
當時畫馬稱曹韓  
尺素幻出真龍種  
玉花照夜爭新妍  
一馬滾塵鬣尾鮮  
昂頭不受金絲絡  
汗血輾沙生晝煙  
翰林妙寫不減古  
名駒染出青豪素  
延祐君王賞駿材  
金盤賜帛出當宁  
時清處處生驪駒  
何必漢朝稱渥洼  
王良幸勿嗔蹏齧  
一躍天衢千里沙

袞塵馬圖

明高啓

千里歸來肯宿春  
五花和汗袞香塵  
青絲暫解從天性  
多謝黃門老圉人

袞塵馬圖

明陳昌

霧鬣風髭汗血駒  
也曾千里渡流沙  
絲韁不受黃門控  
閑向東風滾落花

楊祕監下槽馬圖

金黃庭筠

龍眠悔畫馬  
政恐隋馬趣我今  
破是說試下第一句道

人三昧手游戲萬象具萬象初莫逃畢竟無所住譬如  
大圓鏡照物隨其遇少焉物四散影果在何處揚侯具  
此眼透脫向上路萬馬落人間益證龍眠誤

曹將軍下槽馬圖

元  
揭傒斯

曹霸畫馬真是馬宛頸相摩槽櫪下卓犖權奇果如此  
豈有世上無知者朱絲不是凡馬韁天閑十二皆龍驤  
曾從天子平四方畫圖彷彿餘驪黃華山之陽春草長

曹霸下槽馬

元  
虞集

櫪下長年飽豆芻誰通馬語識踟躕主恩深重知何報  
或者東封駕鼓車

題廢馬圖

元  
王惲

前年扈從獵長楊偶雜髯駒宿野莊一牽玉華三百匹  
老人垂淚說先皇

御驃出廐圖

元  
王惲

何人拂綃素寫此房駟精一馬老伏櫪志在千里行二  
馬騁躋鬣角壯猶龍騰一馬方輶塵海岸翻鯤鯨畫師



慘淡意落筆矜多能我觀寓所感國制貴有經唐人重  
馬政分屯列郊坵當時百萬匹肅肅羅天兵東封與西  
蕩歲用不可勝嗣王獵其餘尚足開中興乃知三軍本  
匪馬將奚憑聖經說備豫萬古爲世程倉卒事亦辦未  
免衆目驚我思立仗間振鬣伸長鳴吾言固芻蕘聖經  
其可輕

題曲江洗馬圖

元倪瓚

校獵上林苑洗馬昆明池霜威肅笳鼓雲氣畫車旗馬

班陳賦頌衛霍綏蠻夷王風既未遠文明方在茲逶迤  
霄漢上鳳凰尚來儀

戲題出洗馬

元  
趙孟頫

齧膝泛駕誰能御  
驚蹇紛紛何足顧  
青絲絡首錦障泥  
鞭箠空勞怨長路  
明窗戲寫乘黃姿  
洗刷歸來氣如怒  
不須對此苦歎嗟  
男兒自昔多徒步

奚官洗馬圖

元  
張雨

曾侍赤墀東  
天池看浴龍  
晚涼湖上夢  
猶立柳陰中

洗馬圖

元張伯淳

蕭蕭霧鬣與風髮撲面征塵一洗空相顧倍增神駿氣  
恍疑初在渥洼中

趙子昂浴馬圖

元劉因

苜蓿原空雪新積羣馬飢鳴渡江食大梁公子心未平  
一匹宛駒萬夫敵圉人初浴意氣增跨轡已晚知無成  
雲窗徘徊悄無語掩卷索索猶風生

李伯時畫浴馬圖

元楊載

古稱難畫莫如馬近朝惟數李伯時不至天閑觀帝服  
如此骨相何由知頭顙渴烏尖挿耳竟度流沙輕萬里  
圉人牽浴恒凜然復恐化龍奔入水貧居里巷無馬騎  
徒步出入多傷悲大脰薄蹄何足願退立道傍塵滿面  
花落春雲滿御隄晚涼試浴濯龍池五王未許爭飛鞚  
先賜承恩太僕騎

題浴馬圖

元  
郊 詔

揩癢馬圖

元  
鄭元祐

啄瘡烏去未斜陽雨足春隄草正長  
摩擦樹根休揩瘡  
明朝要爾戰沙場

題趙仲穆揩瘡馬圖

元 朱德潤

渥洼天馬骨如龍散步春郊首宿中  
揩漏玉髮塵未落  
日斜宮樹影搖風

題趙仲穆擦瘡馬

元 張天英

啄瘡烏去夕陽西磨瘡枯株振鬣嘶  
今日戰場春草綠  
相看誰濯錦障泥

揩癢馬歌

明華幼武

魏公畫法擅天下時向玉堂閑畫馬龍媒貌得五花驄  
放牧長秋沙苑中青絲暫解黃金鞅老樹槎枒恣揩癢  
霜蹄蹴踏尾蕭騷奮鬣騎嘶肉屈強畫中神妙無人語  
直上曹韓不過許曹韓已矣魏公亡後來作者誰堪數  
君不見不惜千金市駿骨此圖世間爲第一

題趙榮祿揩癢馬圖

明闕名

韓幹真龍下筆肥銀鞍羅帕落青絲春風碧野和煙放

誰見林間拮𢶮時

題曾無疑飛龍飲秣圖

宋 戴復古

雲巢示我良馬圖一騎飲水一騎芻竹批兩耳目搖電  
毛色純一骨相殊何人貌此真權奇筆端疑有渥洼池  
駑駘當用驥騮老贏得畫圖人看好盆中飲槽中秣無  
用霜蹄空立鐵何如渴飲長城壕上波飢則飽喫天山  
永振首長鳴載猛士龍驤踏碎鷹巢窠

飲馬圖

元 楊維禎

佛郎新來雙象龍  
鼻端生火耳生風  
臨流飲水如飲虹  
波光倒吸王良宮  
吁嗟青海頭白磧  
尾渴鳥一失金井  
水長城窟遠腥風起

題飲馬圖

元傅若金

一斛寒泉照紫騮  
蕭蕭駿尾動高秋  
夜來櫪上西風滿  
憶傍寒雲飲隴頭

題唐叔美飲馬圖

明張鳳翼

百戰空疲千里姿  
悲嘶猶自逐圉師  
春風日飲長城窟



那得人間伯樂知

舞馬圖

元 張伯淳

獨立天衢骨相奇  
縑緗猶記寫真時  
開元天寶今陳迹  
舞破中原馬不知

題立仗馬圖

元 柳貫

玉立彤墀氣尚麤  
食殘芻豆更何須  
太平未必閑無用  
一幅君王納諫圖

題趙翰林畫立仗馬

元 張天英

瓊柱花雲繡勒春霜蹄新刷紫霄塵月明曾弄瑤池影  
天廐傳呼五色麟

子昂逸馬圖

元  
袁  
桷

神駿飄飄得自閒天池飛躍下塵寰青絲絡首誰收得  
留與春風十二閑

逸馬圖

元  
袁  
桷

瑤池宴罷周王老牛首蛇身騁怪靈漢使近從西極返  
龍媒元是世間形

試馬圖

元  
素  
桷

二駿翩翩勢並驅  
轉頭槽櫪總庸奴  
秋風萬里雲容與  
不用青絲強繫拘

散馬圖

元  
素  
桷

秋盡川原草樹空  
冷雲鳴咽似呼風  
太平天子橐弓矢  
留得閑身落照中

鞭馬圖

元  
素  
桷

生騎萬里意所向  
知無前圉人忌其德  
未試先加鞭要

令俛首馴使我嘗相憐伯樂死已久此道不復傳駕車  
困泥途伏櫪老歲年所用非所養誰能別媿妍畫師逐  
時好謂爾誠當然披圖重歎嗟我意何由宣

絡馬圖

元  
袁  
桷

秋原首著肥雲屯帖帖此馬和且馴屬車效駕豈在力  
愧汗絕足追奔塵王良不生造父往公子毫端意悽愴  
虞淵逐日終飲河出門加鞭奈爾何

題振轡馬

元  
丁  
立

渥洼龍馬進來時奮迅長鳴不受羈詔與從官調得熟  
只教隨仗不教騎

題唐圉人調馬圖

元陳深

飛龍天廐隘雲稠一匹驕馳掣電流  
檻下髯奴真廝養眼中元不識驊騮

黃門飛鞚圖

元姚璩

太平無有羽書塵局促龍鱗萬里身  
不著圉人時騁騫天閑驕悍若爲馴

奚官牽馬圖

明王禕

太液池邊新浴罷  
未央門外乍牽來  
若教立仗丹墀下  
恐負平生泛駕才

賦將甥若水番馬圖

宋樓鑰

何處驅來良馬六  
騶黃參錯如花簇  
胡爲不作騰驤去  
各有游韁繫前足  
胡人下馬俱少休  
倦倚氍毹眠正熟  
酋豪揀箭奚奴撚  
意欲時發不遺鏃  
琵琶橫倚續續彈  
一夫坐聽羌中曲  
臥擁提壺將引飲  
英氣虬鬚皆貴族

沙磧坡陀高復低天寒不見寸草綠我行燕薊頗見之  
狼帽烏靴乃其族勿云恃勇不知義要以赤心置其腹  
嗚呼安得壯士健馬咸作使坐令我馬皆臣僕

李早番馬圖

元王惲

羣奔角壯任郊坰已入竿頭莫力爭惜取蹄間三  
望雲秋計鐵山程

闕一字

逸

題番馬圖

明殷士儋

玉塞無聲夜有霜橐駝五萬入漁陽平沙落日悲風起

馬上橫捎四白狼

李潛宛馬圖

元王惲

李生鞍馬見金初彷彿殊方職貢圖  
今去玉門途萬里  
總隨鞭策入長驅

金馬圖

元虞集

賈胡自騎千金馬解囊小憩荒城下  
平原無樹起秋風  
夢到陰山雪橫野  
太平疆宇大無外  
外戶連城無閉夜  
不然安有獨行人  
懷寶安眠如畫者



西馬圖

元 張天英

西來萬里氣如雲，便策天閑第一勲。  
此日登詞薦清廟，於今能得幾人聞。

胡馬圖

宋 郭祥正

唐時胡馬入長安，下馬胡兒倚馬鞍。  
今日昇平無此物，樽前聊展畫圖看。

胡馬圖

明 解縉

破袖自風沙，兼天壓雪花。  
草間狐兔盡，歸去帝王家。

胡馬圖

明王弼

夜醉葡萄倚壁眠  
眼中胡騎忽翩然  
誰知慘淡寒綃裏  
中有黃榆萬里天

胡馬圖

明祝允明

駿骨千金產名王  
萬里歸風煙辭大漠  
雲電赴皇畿  
立仗容陪舞從龍  
敢假威此來空地類  
苜蓿近郊肥

瘠馬圖

元揭祐民

念汝出塞下四蹄疾如飛  
半夜馳臨關氣奪戎王圍  
被

鐵踏河冰幾度向武威將軍事百戰騰力不顧肥祗今  
飲渭流齒老不任韉坡寒莫風酸磧瘠春草微百感盡  
者意要見駿骨稀但看古英賢攻苦常寒飢

題瘦馬圖

元 蒲道源

誰寫驂騑草野間身行萬里骨如山絕勝秣飼無他技  
枉占君王十二閑

題壽監司所藏瘦馬圖

元 薩都拉

沙場日暮春草肥瘦馬不受黃金羈天生神駿天所愛

豈容過市無人知  
郎官病坐芙蓉幙  
喜見馬圖天上落  
人生相遇貴相知  
孰謂世間無伯樂

題胡環瘦馬圖

元丁立

渥洼此去幾萬里  
荒草黃雲連白沙  
到得單于臺下日  
暖風開遍地椒花

龔聖予畫瘦馬行

元馬臻

在昔開元曹將軍  
健筆突兀老入神  
能貌明皇玉驄馬  
博得聲價輕千鈞  
後來韓幹只畫肉  
少陵不許肥失真

寥寥此道幾懸絕至理不付尋常人淮陰龔公老儒者  
落筆文辭馳二雅有時快意埽馬骨妙處不在曹公下  
畫時想極虛無垠思入萬里沙場昏凝精洞視色不變  
杳冥之中百體存相經合備渥注種仰首鳴天鼻欲動  
氣豪似與神龍爭疾雷迅雷驚塵夢憶昨嫖姚騎戰時  
旋雲轉雨分四蹄翻然踏碎關山雪歸來汗血光淋漓  
霜枯萬骨功誰利太平總爲將軍致如今衰瘦箭瘢乾  
生駒却受黃金轡此馬此畫絕世無先生慷慨傳此圖

可憐韋諷日已遠獨撫此畫深嗟吁北風動地天色慘  
展開猛士寒搖膽詠罷新詩無限情卷向空齋白日晚

題張戡瘦馬圖

元姚文奐

稜稜出神骨翼翼照龍光顧影時思戰長鳴勢欲驤征  
鞍坐兒女遠道負餽糧歸到龍沙日秋風苜蓿長

題張戡畫瘦馬圖

元郭翼

瘦骨鋒稜珠汗落臥痕半雜古苔煙未脫將軍金匱匣  
又駝兒女玉嬋娟蒼皇日色龍沙外慘澹秋聲鴈塞前

神駿只今誰貌得開圖老眼一醒然

題張戡瘦馬圖

元鄭東

北風蕭蕭沙草黃天寒馬瘦骨如牆  
渾家兒女雕鞍上日日陰山射白狼

題進士卜友曾瘦馬圖

明張以寧

卜翁喜我詩袖出瘦馬圖前有杜陵瘦馬行  
令我閣筆久嗟吁憶昔馬齒未長日金羈蹀躞鳴天衢  
逐景虞泉日未晡義和頓轡喘不蘇石根一蹶亦常事誰遣逸足

輕夷途霜風大澤百草枯飲斲不飽長毛疎相者舉肥  
汝苦瘠委棄乃在城東隅病顙有時磨古樹翻蹄無力  
袞平蕪當年笑殺紫燕愚中路清涕流鹽車嗟哉此馬  
世罕有駑駘多肉空敷腴格骨稜層神觀在頗類山澤  
之仙臞解劍贖汝歸伯樂今豈無浴之萬里流秣以百  
束芻苜苐花白春雲鋪氣全或比新生駒持之西獻穆  
天子尚與八駿爭先驅瑤池雲氣浮太虛日出積雪青  
禽呼長望臨風心鬱紆



題老馬圖

明僧妙聲

老棄東郊道空思冀北羣蕭條千里足錯落五花文  
苜蓿秋風遠蘼蕪落日曛太平無一事愁殺故將軍

病馬圖

元劉因

青絲屈曲長安道卓午歸來廢中老側身仰天思遠遊  
口不能言顏色悄奚官却立深有疑似言非病那容醫  
願乘長風迅絕足一息八極歸瑤池

病驥圖

明周忱

吳興父子俱能畫捉筆徃徃追曹霸當時託意知爲誰  
惻愴令人傷此馬此馬虺頽未可輕昔隨八駿天衢行  
綵雲禁籞春如海曾聽玉輅和鸞鳴一朝謝病離天仗  
骨脊毛焦氣凋喪恥與駑駘競粟芻自甘偃臥沙丘上  
孫陽去後苦難逢寂寞誰加剪拂功羈金絡玉復何日  
顧影懷恩悲晚風古來千金市駿骨況此精神那可忽  
飼秣重歸十二閑猶堪萬里奔騰出

題人馬圖

元陳旅

少年僕園恃恩私天廐名駒得試騎  
莫向昇平飄赤汗  
五花雲煖浴春池

金人馬圖

明高啓

名王愛遊獵初試射雕弓  
白草秋原曠黃沙晚塞空  
琵琶應漢女騷褭是胡驄  
歸醉葡萄綠穹廬在月中

題西戎獻馬圖

贈楊應寧都憲  
督理陝西馬政

明吳寬

烏駝曉渡黃河來蹴踏萬里風  
沙開四蹄垂鐵不可鑿  
拳毛繞腹非凡材戎人牽過蕭關下  
毳衣羶帽胡爲者

不辭馳獻到關西聞道楊公來主馬平涼極望水草新  
監苑重開列圉人此匹真爲渥洼種隱起龍文猶滿身  
馬復令行如詔旨蕃息應看錦雲比唐家莫說惟毛仲  
秦世徒傳有非子內地養馬連長槽料水草草民何勞  
楊公一來壯兵氣萬騎逐北天山高色別爲羣攢作印  
馬政旣成公入覲還將此匹獻天閑不是按圖空索駿

題進馬圖

明  
劉松

拳毛赤騮初來進西人自控中官引虎氣深騰紫禁門

龍光暗掣青絲紉玉鞭金鐙調馬時天子親御和鸞宜  
香街十二柳如霧太液宮前花滿枝神物飛騰那可測  
電埽風馳周四極時來顧影只長嘶太僕圉人騎不得


陳居中進馬圖

明凌雲翰

明王慎德蠻夷賓尺天寸地皆王臣遠人重譯貢龍馬  
流沙萬里來麒麟金丸聲動拂郎國寶劒氣接明河津  
不知何年離榆塞但見此日朝楓宸毛駟生來玉琢鼻  
淺驄蹙起花攢鱗最後赭白信無敵如此丹青疑有神

騰驤欲飛使者喜控制不得奚奴嗔我聞陳閔善匠意  
無乃韓幹爲前身按之圖中得所似惜哉世上遺其真  
驪黃牝牡不易索九方皋後知何人

御定歷代題畫詩類卷一百六



總校官庶吉士臣侍朝

校對官庶吉士臣徐如澍

謄錄監生臣張虎文

謄錄監生臣陳增